



JABATAN PERKHIDMATAN VETERINAR MALAYSIA

LAPORAN LIPUTAN MEDIA

9 Mac 2019

1. Basmi anjing bendung wabak rabies: Berita Harian

OLEH:

**SEKSYEN KOMUNIKASI KORPORAT DAN ANTARABANGSA
BAHAGIAN PERANCANGAN
JABATAN PERKHIDMATAN VETERINAR MALAYSIA**

MEDIA CETAK		MEDIA ELEKTRONIK	
☒ BERITA HARIAN	☐ THE MALAY MAIL	☐ BERITA HARIAN	☐ THE MALAY MAIL
☐ UTUSAN MALAYSIA	☐ THE STAR	☐ UTUSAN MALAYSIA	☐ THE STAR
☐ SINAR HARIAN	☐ KOSMO	☐ SINAR HARIAN	☐ KOSMO
☐ HARIAN METRO	☐ NEW STRAITS TIMES	☐ HARIAN METRO	☐ NEW STRAIT TIME
☐ THE SUN	☐ SUNDAY STAR	☐ THE SUN	
RUANGAN : Komentari		M/SURAT: 11	
PERKARA			
☐ DASAR JABATAN	☐ IMPORT EKSPORT	☐ SISTEM KUALITI	☐ PELBAGAI
☐ KESIHATAN AWAM	☒ KAWALAN PENYAKIT	☐ PENGUATKUASAAN	
☐ KEBAJIKAN HAIWAN	☐ TEKNOLOGI VETERINAR	☐ ADUAN	
TARIKH 9 Mac 2019			

Basmi anjing liar bendung wabak rabies

Penularan wabak rabies atau penyakit anjing gila terus mencetus kebimbangan di Sarawak sejak dikesan merebak dalam kalangan manusia hampir dua tahun lalu.

Penyakit sistem saraf akibat virus yang merebak melalui gigitan haiwan itu, kini sudah menjangkiti 17 mangsa dengan 16 menemui ajal sejak 2017.

Seorang lagi mangsa jangkitan iaitu kanak-kanak dibenar keluar dari Hospital Umum Sarawak tahun lalu, namun mengalami komplikasi neurologi teruk dan difahamkan masih dirawat di rumah kehuarganya sehingga kini.

Mangsa yang dijangkiti virus itu sukar dirawat kerana simptom seperti demam, kelesuan, sakit kepala berlanjutan sehingga dua hingga empat hari, ketakutan terhadap air, tidak tahan terhadap bunyi dan cahaya terang, hanya dapat dikesan dalam tempoh 20 hingga 60 hari selepas digigit haiwan dijangkiti terutama anjing.

Pelbagai usaha dilaksanakan kerajaan bagi membendung penul-



Mohd Roji Kawi
mdroji@bhd.com.my

laran penyakit berkenaan sejak ia diisytiharkan sebagai wabak pada 1 Julai 2017.

Antaranya melaksanakan program vaksinasi pertama terhadap haiwan peliharaan yang sehingga kini lebih 150,000 anjing peliharaan sudah menjalani proses berkenaan.

Babit kos tinggi

Usaha membendung penularan wabak itu membabitkan kos amat tinggi apabila lebih RM40 juta diperuntukkan. Sejumlah RM22.8 juta disediakan kerajaan negeri untuk pelaksanaan program pencegahan tahun ini, manakala RM20 pada tahun lalu.

Timbalan Ketua Menteri yang

juga Pengerusi Jawatankuasa Pengurusan Bencana Negeri (JPBN), Datuk Amar Douglas Uggah Embas berkata, pihaknya mempertingkatkan program vaksinasi dan pemasangan mikrochip yang membabitkan kira-kira 157,000 atau 70 peratus daripada 225,000 populasi anjing di Sarawak.

Beliau yang mengetuai operasi pencegahan wabak berkenaan menjelaskan, usaha mengekang penularan rabies cukup positif apabila mendapat kerjasama rapat Kerajaan Persekutuan menerusi agensi seperti Kementerian Kesihatan, Jabatan Perkhidmatan Veterinar, Polis Diraja Malaysia (PDRM), Angkatan Tentera Malaysia (ATM), Agensi Pengurusan Bencana Negara (NADMA), Jabatan Bomba dan Penyelamat Malaysia (JBPM) serta Angkatan Pertahanan Awam Malaysia (APM).

Bagaimanapun katanya, usaha kerajaan menangani wabak berbahaya itu berdepan cabaran apabila ada segelintir pemilik anjing menyembunyikan haiwan peliharaan untuk mengelak vaksinasi.

Ia tidak harus berlaku kerana

kerjasama terhadap Ops Rabies Sarawak yang dilaksanakan sehingga kini, selaras pengisytiharan wabak itu sebagai bencana tahap dua mengikut arahan Majlis Keselamatan Negara (MKN).

"Beri kerjasama apabila operasi dijalankan pihak berkuasa untuk vaksinasi binatang peliharaan bagi mengelak penularan wabak ini," katanya selepas Mesyuarat Penyelesaian Operasi Pembantaranan Rabies, di Kuching, baru-baru ini.

Wabak terus menular

Pakar veterinar yang enggan namanya disiarkan pula berkata, usaha membendung penularan wabak rabies di Sarawak sukar mencapai sepenuhnya objektif, selagi anjing liar dibiarkan berkeliaran di kawasan bandar atau kampung.

Beliau turut mencadangkan anjing bertuan turut dihalang berkeliaran kerana potensi untuk dijangkiti virus rabies cukup tinggi, jika bergaul anjing liar yang sudah dijangkiti.

"Wabak rabies menular di Sarawak selepas disebarkan anjing liar dari negara jiran yang diper-

cayai merentasi sempadan di kawasan Serian pada 2017. Kini lebih 60 kawasan diisytiharkan dijangkiti rabies.

"Anjing liar yang dijangkiti virus di negara jiran mengigit anjing tempatan dan proses penyebaran berterusan sehingga menjangkau kawasan yang luas," katanya.

Justeru, beliau berkata tumpuan kini harus diberikan untuk membasmi sepenuhnya anjing liar, walaupun ia agak sukar dilakukan berikutan jumlahnya terlalu banyak.

"Saya difahamkan sekarang satu pasukan besar terdiri pelbagai agensi sudah dibentuk untuk membasmi penularan rabies. Saya harap mereka memberi tumpuan sepenuhnya untuk menangkap anjing liar yang banyak berkeliaran."

"Selagi ada anjing liar, kita sukar menghalang penularan wabak itu sepenuhnya. Saya tak kata anjing peliharaan atau anjing bertuan bebas sebagai ejen penyebar wabak itu, tetapi potensinya kurang selagi ia tidak terdedah risiko gigitan anjing liar yang terdedah jangkitan," katanya.